

名山縣志卷十四

知縣事遵義趙 懿纂輯

列傳二 忠節

明丁應選 楊起泰 府志丁應選越嚮千戶所掌

印崇正甲申獻賊陷蜀旋至雅州與楊起泰糾黎雅  
土司馬京合兵援救與賊戰大破之未幾選泰俱盡

節

國朝李嗣唐 府志康熙十三年逆黨王屏藩擄掠名

山民盡遁逃

國朝恢復嗣唐率眾投誠賊猶四散劫掠嗣唐率眾救  
之全活甚眾

名山縣志卷十四

列傳二

吳洪猷 字勳閣幼讀書未成與煙販李拐耙子往

來雲南會藍逆陷踞名山洪猷自雅州率煙幫數百  
人回救縣城與賊戰於城下奮不顧身三戰三捷俄

賊伏四起李拐耙子手刃十餘人力竭而死洪猷衝  
突重圍出至穆坪招集土兵並募練丁旋雅時雅被

圍已七日矣城中危甚洪猷與賊鏖戰數日提督占  
泰總鎮傅坤吳嘉春兵至與洪猷為犄角之勢乃復

雅州郡守張公深器之稱為忠義勇留保雅州年餘  
復衛名山數月時與賊抵戰於邛眉間事平提督唐

友耕聞於

朝賞四品頂戴以儘先都閩府留川補用調赴成都統



帶精兵數年以病乞歸卒

張文炳 賈人也伉爽有氣嘗負販至打箭爐與金銀廠人貿易久之廠人大服請爲總司廠事咸豐十年賊寇名山知縣杜芳飛檄令募勇禦賊文炳乃以廠人嫻鳥鎗者五百人卽行至天全州聞城陷杜芳死天全州牧乃留餉文炳旣而賊犯徙陽鎮州牧令文炳守城而廠人皆去稍稍收集得二十餘人文炳謂州牧曰事急矣吾眾少不能守城雖死無益於公吾爲公守索子岡索子岡者州隘也我往彼力持三日令公得告急飛仙關請兵大營吾待公城中守禦已備則吾死索子岡無憾矣州牧壯之文炳督二十

餘人馳往與賊力戰二日死傷過半三日黎明文炳顧謂眾曰今日賊大股奪我隘矣然官兵計已到城君等皆去吾死此耳十餘人泣不忍行賊果大至文炳持巨刀大呼陷賊十餘人從之亂斫數十賊而俱死時州城守已固賊進攻不得實文炳功也

何志湖 何志純同祖弟也從禦賊於彭榜山雞鳴將戰志純以其無子憐之命守糧志湖不從竟赴陣力戰死祀慰忠祠

何應琨 何志純族姪也素尙氣節從樊包擊賊於八角砦伏賊驟起包遇害應琨撲尸而死從祀樊公

祠



蹇壽福 縣之節義民也賣菸葉資生小有蓄積咸豐十年三月滇逆竄境縣民空城走遁壽福於路旁泣阻親友毋紛紛遷逃致城不可守皆不聽越數日百丈潰防兵民奔散其妻謂之曰國已無人効死不去何益君若不逃妾當攜子女行全若輩命也壽福不應至夜靜突將居室自焚光焰漲烈推擲其妻並二子一女入火中已身從容躍入合家皆焚死人莫知所爲

馬有慶 李泰 二人者從樊包已擊賊百丈並於東河橋發炮斃賊眾賊恨甚攢刃而進遂與接戰同死橋側

盧爾僖 朱達麒 文占鰲 咸豐辛酉九月藍逆之入境官軍與賊戰於塌水橋又戰於太平場三人皆爲隊長時死者七十人而爾僖達麒斷頭剖腹文占鰲亦至支解其遇害爲尤烈云

羅升霄 羅映霄 兄弟俱武生武勇並尙氣節藍逆入寇舉鄉兵禦戰同日陣亡

葉慶元 邑人當石達開進窺蜀境由雲南之米糧壩衝渡金沙江前隊賴剝皮竄擾蘆山覷覷名邑慶元義憤激發率團練數百人越境追至青龍橋與賊大戰眾寡不敵敗績被執罵不絕口而死

王世賢 性剛方直言無隱歲庚申藍逆入境



練禦之被執不屈死

列傳三 孝義

國朝李登洲 字□□乾隆丙辰舉人赴京會試友人屬以部事資費既減餘金悉歸之臨才不苟類如此人欽其古道 據府志

李玉銘 布衣正直好義賑貧樂施臨卒篋中數千金負券悉出焚之鄉里推服 據府志

鄭司直 乾隆間增生性好施予獨力修橋梁四座義塚一所置文武宮祀田若干畝其餘施棺捨藥歲歲為之年八十二卒

晏世珍 乾隆間耆民以惠濟存心值歲大饑期友

四人共為粥食餓者既而四人違約世珍遂盡質其青苗田得金百餘獨力以賑家本素薄因是益困而處之自如年八十餘有五子鄉里至今述之

陳登第 嘉慶間人幼失怙家貧事母孝鋤地得金人謂其孝行所感孝廉閔一德拔貢胡述恭贈以詩云采菽負糟糠承歡奉北堂人人知報本天理自昭彰

盧萬柱 耆民也道光十八年邑大饑斗米值錢一千二百萬柱率糧戶積千餘金親往嘉定購米賑濟全活饑民無算年九十六而卒

鍾祖泰 字大來貿易中人也淡泊自甘樂施不倦



邑孝廉閔一德爲之旌其門閭  
高應堂 賈人心切利濟凡水道病涉之處荆修橋  
梁五所費金二千餘金概不募助且皆親往經營朝  
出暮歸不憚勞瘁

陳揚玠 孝廉陳善言之姪孫其父歿於番夷揚玠  
年十八往尋父尸被番夷縛執揚玠泣怒奮勢一躍  
繩縛盡寸寸絕番夷怪而釋之揚玠乃得遍訪遇漢  
冢輒啟棺刺血滴驗果尋獲父尸背負而歸途中負  
重則行所負輕卽號泣呼父抵家安厝人以比孝娥  
投江云

楊君相 傭田者也其主周玉連歿已四月妻李生

遺腹定歧定歧生七齡而李又歿族人覬覦家產謀  
害定歧君相百計維護族人計沮持非周氏子訟於  
官縣令王渡讞得實乃令君相以定歧就撫舅家而  
家產權令族人代理族人旋重賄舅家令毒定歧君  
相時時抱負定歧寢處不離尺寸食必先嘗而後與  
食猶不自甯乃求依王渡養於縣庭王夫人爲製紅  
錦小囊盛食定歧亦非君相王夫人與食不食也數  
年族人又造言李生者女也兒實楊家物耳君相以  
男易女訟益無休止王渡遂設方鞠誣治罪且追繳  
八九歲產息得九百餘金以歸定歧事乃大定君相  
爲之娶妻生五子助理家系數千金而君相亦既年



老矣定歧與以金帛不受請葬師爲相吉壤亦不受  
焉定歧子孫至今傳百餘人道家世皆稱楊公楊公  
而不名昔程嬰杵臼之事數千年而於君相復觀之  
謝長源 字清江布衣終身課徒爲業安貧守困介  
介自持言行皆可爲後生小子法善大小書年臻耄  
耄恭逢

國典覃恩年八十以上者舉報得給衣頂士林上之有司  
長源曰予盛世一老民耳何敢妄希榮寵乎力辭而  
止卒之日衣冠端坐無疾以終其清明如此

林毓秀 字桂山邑布衣性仁厚幼讀書外館每食  
輒念父母師有教命奉之惟謹所授書義或難解必  
思之思而不悟對卷長泣足一履地則心顧蟲蟻年  
二十二喪妻遂不復娶曰於義有不忍耳家貧授徒  
課子鰥居四十年而卒

柏世楹 節婦柏閔氏子也閔氏搆疾幾至不起世  
楹割股療之疾遂瘳閔氏享年九十八世楹年八十  
二無疾而終訓導巫顯章書錄其事以旌別之

石鋸 字金山咸豐間廩生力學知文凡課徒條教  
端敕有方人咸嚴憚弱冠遊學與友同舍共榻友私  
一婦密置帳中鋸知之內不爲動外亦不洩惟隱規  
友勿令再至其品性嚴正如此



漢甘露大師

**輿地紀勝**西漢時有僧從嶺表來以

茶實植蒙頂忽隱池中乃一石像今蒙頂茶擅名師所植也至今呼其石像爲甘露大師**通志**師名理真俗姓吳宋淳熙十三年邑進士喻大中奏師功德及民孝宗時封爲甘露普惠妙濟大師

唐採茶僧

**輿地紀勝**引**雅安志**云按毛錫文茶譜

載有僧病久遇一老父曰仙家有雷鳴茶在蒙山上服之可去宿疾僧如其言疾果差年八十餘不知所終採茶者往往見一僧獨行疑此僧云

爾朱真人

**通志**名通微號歸元子其先出元魏爾

朱族遇異人得道唐末落魄成都市後賣丹合州價

名山縣志卷四

列傳四

七

十二萬刺史召問其直更增十倍怒其反覆盛以篋籠棄諸江至涪州漁人得之因授以丹二人俱仙云曾遊金雞關今有爾朱真人觀**輿地紀勝**爾朱至涪之白石羽化蜀圖經多載之

落魄仙

**輿地紀勝**

落魄仙姓張修行於延禧山後

現於東方青雲之際

**一統志**

姓張嘗賣鼠藥於梓州

獄吏王昌市藥以歸鼠食之皆飛去後昌入瀘又遇之乃易其藥餌之呼昌爲易元子授以道術取馬送昌歸至家馬化龍入潭昌後遂仙去**通志**張守虛字無知鳳翔人常賣藥於梓州因訪友爾朱過金雞關遂栖名山延禧觀號落魄仙以九日飛昇



黃觀福

**集仙錄**雅州百丈縣民家女幼好清靜食

柏葉飲水不嗜五穀既笄將嫁之忽謂父母曰門前  
水中有異物女常時多與父母說奇事往往驗因隨  
往看之水果洶湧乃自投水漉之得一枯木天尊象  
貌與女無異其母憶念不已忽與女三人下其庭中  
曰女本上清仙人也有小過謫人間年限既畢復歸  
天上無致憂念也今年此地疾疫死者甚多以金遺  
父母移家益州以避凶歲卽留金數餅而去父母如  
其言其歲疫毒黎雅尤甚十喪三四唐麟德年也今  
俗呼爲黃冠佛蓋譌以黃觀福爲黃冠佛**通志**云舊  
志入宋代列女誤

名山縣志卷十四

列傳四

八

宋禪惠大師

**輿地紀勝**名山人屢貢不第元符郡

守呂由誠以僧勅戲之師卽削髮明日往往天甯長  
老叩以佛法不許乘馬師卽答曰文殊駕獅子普賢  
跨象王新來一箇佛騎馬也何妨其機敏不一有禪  
惠語錄行於世**洪雅志**禪惠大師卓錫瓦屋山有人  
問瓦屋何以木皮蓋師曰錦府豈從機上織劍門甯  
白匣中開

聖羅漢

**輿地紀勝**親出化茶

明可正

**通志**字無礙瀘州人俗姓彭壯年入邛祝

髮凡禡寒溽暑不憚於勤動靜語默不踰規矩正統  
丁巳遷縣之天目寺至老愈妍說法終日不知饑渴



後杳然不識所之

國朝照徹

通志蒙頂寺僧恪守清規禮佛誦經而外

毫不預世事按照徹字霽白雅州任氏子也於蒙山植茶萬株銀杏松杉數百本建經樓及毘羅殿甘露大師石室

張誠

張邦伸錦里新編名山諸生放浪不羈縱飲

酒肆中醉後或歌或泣人皆呼爲顛間與人言禍福多中人亦莫之奇也客丹稜會邑中有乞丐數人皆大瘋疾見者輒去誠呼與語曰吾能治若疾丐者俛首唯命吐其沫使啖之已而果愈於是一邑人盡以爲奇口不言書人莫知其能書與至每於古寺中研

名山縣志卷古

列傳四

九

壘數升縛葦蘸書壁盤結迴環有虬龍之勢又好搜洩必倒行印痕行行皆字嘗止旅舍其主人以爲顛驅之出旁舍憐而宿之且待之厚臨別語曰感子厚意吾思報子因搜搜高數丈達於主人之屋脊主人大駭數日市被火延焚殆盡至搜處忽滅乃奇之其後往來蒲叩間一盂一鉢乞食道途復遊重慶以蒲團渡江不知所終

又見白鶴堂彭端淑記

楊公 不知何許人也道光間遊名山乞食於鄉宿李華基學館中以制義題試之文如夙構且佳遂留之叩其星醫占相諸術無不神妙莫測名藉藉諫邑中未幾坐逝人或遇之於途益奇之葬之竹箭坪里



人立廟以祀有所祈禱就墓誠請輒應今殘碣有古  
此數語謂始自正德元年亂臣專政自入潛藏於秦  
山之下九洞八濤自爲修身云云餘剝落不可讀  
醫者張一眞 字玉芳年三十遇異人授以方術凡  
病之極痛咒日不痛則不痛矣極腫咒日不腫則不  
腫矣所醫者應手取效活人無數得謝資輒作善舉  
與同藝岑國福輯生平所應方藥爲一冊名曰歧黃  
一得中年後精習元功體忽魁偉雖三冬行路汗氣  
蒸騰不能著帽年近九十無疾而終

巫師陶泰陽

乾隆間人有妙術常令人駭詫一日

與數人飲酒歸途值大雨溪水暴漲沒橋泰陽信手  
拈馬蹄葉數皮擲水中日乘此可渡數人竟乘渡之  
歲旱禱雨人來求者泰陽爲書一雷雨字於手握之  
歸開掌卽大雨他郡縣有會集能於中夜往返並以  
術使人同往驗之歿後靈異尤著如行者遇烈陽暴  
雨叩其墓日陶先生假我一蓋俯拾一宿草著頭上  
卽盛夏不汗出大雨不溼衣翼日速還否則再借不  
靈種種神怪不可勝述其靈妙如此

列傳五 列女

劉矜全妻楊氏

楊文榜女幼許字劉矜全未嫁劉

卒守貞不字事舅姑撫姪承祧苦志五十載而終

府志

劉文寬妻柏氏

年二十五夫歿矢志守節誓不他



適茹荼三十四年五十九歲而終府志

朱孔章妻李氏 年二十四寡矢志守節惟勤紡績

三十六年壽六十而卒府志

胡定禮妻植氏 邛州打漁邨鄉宿植敏槐女也年

十六歸胡氏三年夫歿矢志守節撫姪述宗承祧教

養兼盡補學弟子員孫二人亦游庠壽五十卒

胡述達妻曾氏 年二十五夫歿教子瀛瑤補學弟

子員學使黃勉齋手書歐畫柳丸匾額以旌其門

胡秉瀛妻蕭氏 訓導胡述哲媳侍任成都年二十

八夫故矢志守節翁姑先後逝夫弟三人皆冲幼氏

修榔營葬盡孝盡禮撫教夫弟及子文燿備極辛苦

名山縣志卷十四 列傳五

文燿弱歲補弟子員氏年六十七卒

胡鴻妻沈氏 年二十五夫歿矢志撫孤成立守節

三十六年六十一卒

教諭簡成彬撰沈孺人行狀沈孺人者羽儀胡公

之妻少君文曇之母也其懿行稱於宗族鄉黨彬

熟聞而嗟歎之夫順為婦道孝始人倫節為貞德

孺人其兼備焉羽儀天姿穎悟敏而好學其太翁

為邑文章伯嘗謂跨竈云則其重於人者勿論矣

孺人歸羽儀年僅十六七敬戒無違非獨其天性

然也父母之教先焉耳以順為正殆與古匹休與

羽儀忽沒孺人年方二旬烏乎孺人之境苦矣然



而孺人之德彰矣上事舅姑如事父母生事愛敬  
死事哀戚死生之義備而生人之本盡矣可謂孝  
矣當其時少君呱呱而泣未及一齡鞠育顧復劬  
勞備至及其長也教以義方古所稱熊丸秤錘之  
訓洵不多讓故少君終能立身然則止於慈正所  
以止於孝也若夫茹荼蘼操冰霜甘苦四十年間  
心如止水身如白圭鄉曲里巷之中殊不多覩向非  
生於禮樂之家歸於詩書之府孰克如斯之苦節  
堅貞乎夫盡倫者不期表於當時淑身者非欲傳  
於後世然而

國家有旌揚之典子孫有論譏之規孺人之德行將荷  
綸褒於

朝廷矣少君以續修族譜囑彬臚舉其概附載家乘孝  
子之用心也彬亦忻爲之狀其行云謹狀

胡文彬妻蔡氏 年二十三夫歿上事翁姑下撫遺

子孝慈兼盡守節四十二年六十五歲卒

萬俊妻楊氏 年二十八夫歿矢志撫孤言行不苟

歷三十三年六十一歲卒

李永祿妻柏氏 年二十夫歿守節教子三十四年

五十四歲卒

郭朝綱妻施氏 年二十五夫歿茹素放生勤儉起

家教子成立守節六十一年壽八十六歲卒



韓勤韜妻彭氏 年二十九夫歿孝事舅姑無疾言  
戾色守節二十七年五十六歲卒

毛爾純妻戴氏 年二十夫歿矢志撫子於咸豐十  
年藍賊竄境迫氏不屈溺池殉難時年四十二守節  
二十二年

文洪業妻秦氏 年二十五夫歿守節二十九年五  
十四歲卒

周習貴妻王氏 年二十夫歿守節十五年三十五  
歲卒

簡輝妻張氏 年二十八夫歿矢志撫孤持家勤儉  
苦節五十九年壽八十七歲卒

王龍甫妻吳氏 年二十九夫歿孝養翁姑服勞不  
倦守節三十年五十九歲卒

王覲遠妻戴氏 年二十九夫歿矢志撫孤早喪遺  
孫年幼刻苦成家守節五十四年壽八十二歲卒

王日彩妻周氏 年二十四夫歿孝事翁姑守節四  
十五年六十九歲卒

趙國用妻姚氏 年十七夫歿不苟言笑孝養翁姑  
教子成立守節五十一年六十八歲卒

周兆祿妻夏氏 年二十九夫歿茹蘖含冰五十九  
年壽八十八歲卒

陳洪勳妻成氏 年二十二于歸一年夫歿守節逾



三十年五十一歲卒

關純綱妻周氏 年十九夫歿氏割股療治不廖苦

節五十二年七十三歲卒

陳映童妻樊氏 年二十一夫歿撫孤守節四十年

六十一歲卒

李本立妻宋氏 年二十九夫歿善事舅姑篝燈教

子和睦妯娌鄉間咸知守節二十一年五十歲卒

吳連珍妻羅氏 年二十一夫歿苦節五十二年七

十三歲卒

馮清美妻袁氏 秉姿柔順賦性幽閒年二十六夫

歿撫教孤子樹槐補學弟子員守節三十六年六十

名山縣志卷十四

列傳五

四

一歲卒

高玉振妻張氏 年二十夫歿苦節六十三年壽九

十歲卒

胡觀濤妻王氏 年二十四夫歿耐守清貧長甘淡

泊教子入庠藍逆時死於賊又課孫成立守節四十

三年六十六歲卒

文耀章妻高氏 幼性慧敏長適文郎事翁姑暨夫

子曲盡孝敬年餘夫病歿氏呼號泣悲痛不自己

潛投糞坑中溺斃時年二十歲也族人哀其烈為之

稟請 旌表

文映藻妻鄭氏 年十九歸映藻二十一夫歿矢志



守節孝養翁姑和睦妯娌寡居十五年於光緒十八年卒例得請旌

張宗泗妻李氏 年二十六夫歿事舅姑撫幼子守節逾五十年現七十七歲性具貞靜之德自夫所天數十年不越門閭雖族黨慶弔不與也夫兄弟以事至其家亦不見偶見落落數語卽羞赤避去其處家未嘗聞有疾聲厲色婉淑與常人殊

張星燦妻戴氏妾白氏 星燦早沒戴氏白氏均無子時星燦弟星煜始生二子以一繼戴氏而白氏欲另立嗣遂撫異姓之子不數年又卒星煜復生子並繼之白氏更欲析爨三分其產星煜曲從之始全其節數十年間以家事勃篋詬諍欲改操者屢屢而戴氏寬撫獎掖百計維持賢淑慈明愈著矣

朝廷旌表爲立雙節坊學使張之洞題聯云一時所天不天大絃廉以清小絃廉以折同氣之子猶子季方難爲弟元方難爲兄

任聯科妻倪氏 孝子任聯科割股療親以孝死歿時氏年三十六代養翁姑撫訓孤子其子炳入邑增生品學兼優氏苦節四十年壽八十三終旌表建坊 勅賜安人

蔣興鎬妻王氏 飛來岡人年十七歸蔣事翁姑以孝謹聞姑病割股療之年二十四翁姑暨夫先後病



歿氏操辦安厝備極勤勞教子述璋慈嚴兼盡述璋以冠軍補弟子員氏守節三十六年六十歲卒

蔣德裕妻楊氏 孝廉楊桂修女道光二十一年德裕歿氏守節四十年光緒七年卒

賴文喜妻王氏 歸文喜四載文喜病篤氏割股療治不瘥時年二十三守志撫子苦節數十年

羅聲富妻李氏 年二十六夫歿苦志教子卿雲補學弟子員守節五十三年壽七十九歲卒

李春榮妻王氏 年二十夫歿撫子李合芬成貢士守節五十四年壽七十三歲卒

龐永奇妻張氏 性貞靜寡言笑年二十八夫歿矢志守節孝慈兼盡子孫皆入庠壽八旬餘

劉一清妻鄭氏 咸豐十年藍逆竄境母子三人闔門自盡

王天恩妻袁氏 藍逆踞城母家攜逃匿山谷知不免自盡

胡卑二妻鄭氏 夫歿姑憐其賢令與兄公轉房不從自盡

王某妻楊氏 年二十七夫歿守節二十六年五十二歲卒

汪廷杰妻楊氏 年二十八夫歿守節三十年五十八歲卒



胡肇賢妻王氏 年三十夫歿撫孤成立請 旌時已五十九守節二十九年

王克愼妻曹氏 年二十九夫歿賦性慈良言笑不苟事繼姑尤善得歡心請 旌時已六十三守節三十三年

柏同昭妻閔氏 青年守志性好施予邁沉痾于世楹刲股療治之享壽九十有八

李春桂妻何氏 年二十四夫歿事姑至孝教子有方苦節七十一年壽九十五卒訓導巫顯章與柏閔氏並旌之

周公禮妻劉氏 年二十五夫歿矢志守節教養二子現年六十六歲

烈女黃寅鳳 巖峯溝黃木匠女也年十六避藍逆之難於城西轎頂山爲賊所擄被屈不從罵不絕口乃死

孝女張蓮秀 軍功張文元女也文元無子家寒微蓮秀誓不字人孝養鰥父文元死募衣棺安葬守墓而居現年三十餘

楊季昌妻胡氏 年二十八夫歿請 旌時已七十一守節四十三年

鄭加興妻趙氏 年二十六夫歿矢志撫孤請 旌時已六十九守節四十三年



鄭顯邦妻蒲氏 年二十四夫歿事姑極孝撫子成家守節三十餘年尙未請 旌

李先強妻敖氏 年二十藍逆犯境避難洪春溝度不能免縊於樹下邑庠生羅雲祥以詩紀其事

文生晏海瀛妻姚氏 年二十四夫歿孝事邁姑訓養撫子現年五十二守節二十八年例得請 旌

廩生劉寬妻留氏 年十九歸劉二十六夫故無子僅遺兩女撫養以鍼帶自給苦節四十餘年無苟言無苟笑常欲爲夫立嗣而姪輩多不肖乃告於家族以餘業作祠奉宗祀焉

胡紹賢妻曾氏 廩生曾希哲之女咸豐十年三月

名山縣志卷十四

列傳五

十一

二十日藍逆入境恐受賊辱仰藥死 旌表建坊

程 妻謝氏 貢生程肇文媳年二十夫歿事繼姑羅氏以孝聞子策年幼玩愒氏力訓之成立守節三十餘年今其孫兆庚年未弱冠入庠

貞女成三姑 成現德之女也生道光二十四年咸豐庚申辛酉間逆賊蹂躪名邑貞女偕兄扶兩親避難轉徙山谷艱危萬狀賊退兄病沉痾臥牀不起兩親無人侍奉兼家道赤貧貞女遂誓不字人勤鍼帶度活今年四十八歲矣縣令趙懿代詳大府奏請旌表以成例未及五十年議駁

壽母劉安人張氏 徵仕郎劉受林淑配明經仕熙



母也劉氏世有盛德而母儀尤所播聞安人性貞靜  
慈惠事夫教子接人待下各盡其宜可謂賢矣享年  
一百四齡總督丁寶楨奏

聞於朝

旨准建坊並

賜上用黃緞一疋庫銀拾兩以昭

盛典安人卒之日爲其曾孫迎娶與諸親言笑如常是時  
一家環立六親同坐安人偶稱神倦遂逝拔貢生南  
充縣教諭毛肇文輓以聯云百歲承恩於斯爲盛六  
親守化自古希逢

鍾祖明妻李氏

周興齡妻高氏

名山縣志卷十四

列傳五

十九

庠生蕭鈞妻劉氏

柏廷彰妻楊氏

馬亨元妻陳氏

辛萬品妻李氏

楊晏氏烈女楊丁秀

胡王氏 馮袁氏

柏世楷妻楊氏

劉國棟妻周氏

葉俊妻張氏

施覆宇妻李氏

李國棟妻龔氏

胡宗賢妻李氏

張文貴妻章氏

鄭國政妻余氏

劉世綸妻戴氏

周際昌妻李氏

胡述齋妻鄧氏

劉勝妻李氏

李玉玫妻林氏

李騰章妻沈氏

廖輝典妻楊氏

楊廷柱妻周氏



李天照妻沈氏妾任氏

沈懷義妻胡氏

王天應妻陳氏

周鳴歧妻王氏

李天潤妻胡氏

王孝義妻李氏

李子新妻艾氏

彭芳清妻張氏

王尙敏妻高氏

雷啟祥妻郝氏

李天義妻里氏

陳學政妻高氏

陳現奎妻雷氏

閔學維妻石氏

王一鳳妻孫氏

高樹槐妻馬氏

鍾萬選妻鄧氏

黃有守妻李氏

張玉隆妻鄭氏

陶欣若妻劉氏

潘書美妻簡氏

陳芳惠妻余氏

名山縣志卷十四

列傳五

吳洪費妻倪氏

周世德妻宿氏

何志恂妻任氏

張明遠妻朱氏

倪尙志妻王氏

鄭延述妻龔氏

朱子仁妻劉氏

王鳳閣妻姜氏

監生萬文光妻郝氏

陳懷芳妻魏氏

詹應開妻鄭氏

黃正國妻李氏

劉全福妻周氏

黃光金妻陳氏

羅懷芳妻張氏

盧洪業妻杜氏

徐進賢妻魏氏

文有全妻徐氏

劉受楷妻姜氏

楊士燦妻羅氏

高應鳳妻魏氏

王日年妻樊氏



監生李自宴妻楊氏妾張氏 陳懷榮妻倪氏

守備何志湖妻楊氏 陳世宗妻宋氏

楊國瑄妻歐氏 高紹成妻李氏

武生李大鵬妻肅氏 胡述懿妻朱氏

副榜周宗泗妻趙氏 張九成妻章氏妾吳氏

周王氏 周宗謨妻張氏

陳王佐妻程氏 魏崇玉妻翟氏

鄭顯鸞妻楊氏 李述璇妻胡氏

樊學懋妻趙氏 胡文學妻蒲氏

晏朝文妻陳氏 彭文林妻劉氏

張大義妻劉氏 戴學材妻陳氏

名山縣志卷十四

列傳五

胡秉先妻丁氏 李元貴妻劉氏

王 續妻彭氏 鄧學祥妻周氏

李仕陞貞女秀蓮 石文富妻魏氏

吳洪猷妻李氏 周文耀妻王氏

魏恂昌貞女紉蘭 周德美妻鄭氏

王絳洪貞女蓮秀 李天錫妻張氏

吳玉華妻王氏 周廷英妻馮氏

胡光甫妻高氏 袁欣瑀貞女三姑

王永基妻解氏 李光華妻鄭氏

高永陞妻楊氏 文生魏履級妻胡氏

高奇輔妻胡氏 葉先富妻周氏



胡述順妻李氏

李瑞堂妻鄭氏

楊天一妻朱氏

監生陶汝漣妻劉氏

鄭加輔妻王氏

吳紹賢妻張氏

羅思泮妻彭氏

葉現實妻張氏

武生周岐山妻宋氏

文生宋函修妻羅氏

閔宗泗妻石氏

劉廷佐妻張氏

沈毓富妻汪氏

戴璘妻鄭氏

沈奇林妻陳氏

楊以忠妻高氏

李世珩妻陳氏

李世寬妻簡氏

文生楊際春妻王氏

吳接鳳妻蔣氏

陳伯麟妻張氏

萬遇先妻程氏

名山縣志卷十四

列傳五

三

楊桂枝妻高氏

艾廷彥妻施氏

鄭月俸妻楊氏

陳懷壽妻楊氏

魏思煥妻羅氏

高全德妻鄭氏

鄭守成妻王氏

楊國祥妻高氏

樊登高妻王氏

楊純新妻艾氏

吳玉鳳妻高氏

周美玉妻劉氏

馮惠充妻王氏

高天柱妻柏氏

倪耀光妻袁氏

趙含章妻羅氏

黃殿華妻趙氏

舉人趙鳳梁妻高氏

林忻端妻秦氏

毛騰颺妻蔣氏妾李氏

楊洪德妻吳氏

黃有仁妻胡氏



文生馮驥德妻王氏

王清慎妻黃氏

陳榮選妻龔氏

文生倪東壩妻黃氏

龔子麟妻杜氏

施光亮妻周氏

何延喜妻郭氏

劉受鑑妻陳氏

羅懷王妻李氏

王世奎妻鄭氏

監生黃金階妻曾氏

李清蓮妻鄭氏

韋德恩妻袁氏

劉文相妻黃氏

盧燦章妻陳氏

監生陳宗盛妻郭氏

程玉堂妻韓氏

杜之湯妻高氏

盧萬年妻戴氏

周兆麟妻曾氏

蒲中玉妻楊氏

名山縣志卷十四

列傳五

毛爾轅妻彭氏

文有宗妻楊氏

王曰智妻陳氏

黃秉義妻張氏

鄭守良妻楊氏

李恆言妻常氏

周文理妻杜氏

廩生魏含醕妻趙氏

王世榮妻鄭氏

戴文楷妻韓氏

梁棟之妻申氏

黃光德妻鄧氏

梅會川妻唐氏

彭永惠妻羅氏

蒲中信妻胡氏

侯興仁妻蘇氏

李錫恆妻盧氏

程繼清妻黃氏

戴學庸妻晏氏

李懷珍妻郭氏

胡文昶妻楊氏

晏肇純妻陽氏



辛玉春妻何氏

程繼興妻王氏

葉光鑑妻蔣氏

千總周兆熊妻李氏

岑道純妻周氏

彭永完妻王氏

蘇珍瑞妻王氏

鄭本道妻胡氏

周之瑞妻鄭氏